

# تاریخ عثمانی انجمنی

## مجموعہ سی

ایک آیدہ برنشر اولنور

### مندرجات

وائق تاریخہ (ذیل) . . . . .	موسی کاظم
تاریخدن بر صیفہ . . . . .	محمد غالب
ایکجی جربہ حربی اوزرینہ وثیقہ لر . . . . .	صفوت
ہنرنامہ . . . . .	اجد توحید
آل کریمیان کتابہ لری . . . . .	خلیل ادہم
تفرقہ : تاریخ سلطان محمد خان نانی . مؤلفی قرنتو وولوس . مترجمی فارولیدی	

### فیثانی ہ غروش

استانبول

محمد حسین اورنگزی

مطبعہ مطبوعہ مسلمانہ

۱۳۲۸

## ایکنجی جریه حربی اوررینہ وثیقہ ل[\*]

بوحرب اوزرینہ بولہیلدیکنز وثیقہ لری صرہ سیلہ یازیورز : —

وثیقہ (۱) جزایر بکلربیکینه حکم کہ

حالیا سده سعادتمه مکتوب کوروب کفار خاکسارک احوالندن سوال  
آندوکنده اسپانیا مقهورک سکان ایکی پاره قادرغه سیله اون پاره قالیته سی مینه ده  
موجود اولوب و قرق پاره کمی دخی فرنیجه دن کلیسی مقرر در اکه تأخیر ایدر لر  
وجله کیلره مینه ده اولان بکلربکی باش و بوغ تعین اولنوب بوکا باعث اولان  
درت عرب شیخ لریدر ایکیسی جریه ده و ایکیسی طربلوسه در طورغود بکک  
اوزرینہ و ازم لری مقرر در دیو جواب وردو بکک و سنداخی عا کر تدارک اوزره  
اولدوغن بلدور مامش سیک امدی عرض اندو بکک اوزره سابقا ردوس قیودانی  
اولان علی و حالیا قیودان اولان قورد اوغلی احمد معجلاً کیلری ایله واروب سکا  
ملاق اولوق ایچون ردوس بوغازنی مصر قیودانی حفظ آتمک ایچون احکام شریفه  
کوندر یلوب وسده سعادتمه داخی بعض کیلر تدارک واحضار اولنوب معجلاً  
سکا کوندر بکک اوزره اولوب بیوردومکه وصول بولدقده بویابده سنوک داخی  
فکر و فراستک و تدارکک نوجهله اولدیغنی وسایر اعدانک واقف اولدوغنک  
اخبارنی و فکر فاسد و خیال کاسدلرین یازوب بلدوره سن دا یما غفلت اوزره  
اولیوب حفظ و حراستنده مجد و مر دانه اولوب غفلت ایله العیاذ باه تعالی  
دونائمه هایونه کفار ضرر و کزند ارشد رمیوب تمام بصیرت و آنباه اوزره اولوب  
ونه خبر آلوب و نوجهله تدارک اوزره اولدوغنک یازوب بلدوره سن شویلیکه عرض  
اندو بکک اوزره طربلوسه یا شمالو اولور لسه اولیابده داخی سنوک تدارکک نه طریقله  
اولورسه آنی داخی بلدوره سن .

یازلدی پاشا حضرتلرینه و رلدی فی ۱۵ شوال سنه ۹۶۶

بعده قورد کتخدایه و رلدی فی یوم ۱۶

وثیقہ (۲) سابقاً ردوس سنجائی بکی اولوب حالیا قوجہ ایلی بکی اولان [۱]  
علی بکہ حکم کہ

حالیا ردوس سنجائی بکی اولان احمد دام عزہ یہ حکم شریف کوندریلوب  
آنوک کی مصر قیودانی اول جوانبده ایہ ردوس اول جوانبک حفظ و حراستی  
اکہ اصهاریلوب سنک یاننده اولان آلتی پاره کمی ایله قیودان پیاله دام اقباله یانہ  
واروب خدمتده بولماق امر اولنوب آنوک کی مشارالیہ شجاع اول جوانبده  
دکل ایہ کندو بش پاره کمی ایله ردوس حفظنده اولوب سکا بریرار قالیته  
ویروب کندو باشتردک و اول قالیته ایله مشارالیہ ارسال آتمک امر اولنمشدر  
بیوردومکہ آنوک کی مومی ایله شجاع اول جوانبده اولوب مشارالیہ احمد کتلمو  
اولورسہ کندو باشتردک ایله بیله کیدوب اگر کندی کتلمو اولیوب سن مستقل  
کتلمو اولورسک امر اوزره بریرار قالیته الوب داخی کندی باشتردک ایله .....  
ومکمل دشمن یراغیله تأخیر آیموب واروب مشارالیہ قیودانه ملاق اولوب داخی  
وجه ومناسب کوردوکی اوزره دین باینده و دولت هایونمه متعلق اولان امورده  
مقدور ایلیه سن . ۱۵ شوال سنہ ۹۶۶۰ محمد چلوش وردلی

وثیقہ (۳) ردوس بکی احمد بکہ حکم کہ

حالیا اول جوانبک حفظ و حراستی ایچون مصر قیودانی شجاع تعیین اولنوب  
و سن وسابقاً ردوس بکی اولان علی دام عزہ کندو باشتردسیله مرتب ومکمل  
قیودانم پیاله دام اقباله یانہ واروب خدمتده اولما کوز امر اولنوب اولیابده  
مشارالیہ داخی حکم شریف یازلوب ارسال اولنوب بیوردومکہ وصول بولدقده  
آنوک کی مشارالیہ شجاع اول جوانبده ایہ حکم شریفی اولاشدروپ کرکی کی  
تنیہ و تأکید ایلیه سنکہ ردوس جابلرخنی و اول اطرافلری کرکی کی حفظ  
و حراست ایلیوب سن مومی ایله علی ایله مشارالیہ قیودانمه ملاق اولاسن شوبلکہ  
مومی ایله شجاع ایله اول جابلرده اولیوب ردوس اطرافتک حفظ و حراستی لازمہ  
مومی ایله علی دام عزہ نیک باشترده سندن غیری بریرار قالیته دخی مشارالیہ  
تسلم ایلیه سنکہ ایکی پاره کمی ایله اول واروب مشارالیہ قیودانه ملاق اولوب  
سنک یانکده قالان بش پاره کمی ایله اول جوانجی کرکی کی صون وصیانت  
ایلیوب کفار خاکاردن و سایر قورسان ولوند طایفه سنندن مملکت و ولایت  
و نواحی و قریاہ و مسافریں بجره بمنایہ اہ تعالی ضرور کزند ارشدرمیوب حفظ  
و حراستده دقیقہ قوت ایتمه سن و حکم هایونم سکا نہ کونده واروب بوجہله

بو ذاتک لقی « میسچی » اولوب اوچچی سلطان مراد زمانده تفلیس و شروران حرب رنده بولمش،  
برآراق آدی اونولمش و اکک پاره سنه محتاج قاللشدی . اک صکره کندیسنه نقشه ( تاقوس ) بکلکی  
ورمش ایدی .

تدارك اتدوكك يازوب بلدوره سن و مشاراليه شجاعه داخی حکم شریف کوندرلوب اول جوانبده دکله اوده کلوب سکا ملاق اولوق امرم اولشدر اول کلنجه تأخیر آمیوب امر اوزره واروب مشاراليه یانه کیده سن ۱۵ شوال سنه ۹۶۶

وثیقه (۴) مصر قبودانی شجاع بکه حکم که

ردوس بیکی اولان احمد دام عزمه قبودام یانه وارمق امر اولنوب سن واروب اول جانبری حفظ و حراست آتک امر ایدوب اولباده مشاراليه حکم شریف کوندرلوب انوک کبی سن اول جوانبده بولنورسک کندو واروب موی الیه کتمک امرم اولشدر . بیوردومکه وصول بولدقده انوک کبی سن اول طرفلرده ایک مشاراليه امرم اوزره واروب قبودام دام اقباله یه کیتله کده یانکده اولان کیلر ایله ردوس و اول اطراف و جوانبی اندن غیر ی حفظ و حراست لازم اولان یالیلری و مواضی کرکی کی حفظ و حراست و ضبط و صیانت ایلوب کفارخا کاردن و قورسان و سایر حرای و لوندا طایفه سندن قایقلرندن قلاع و بقاعه و نواحی و قریه و رعایا یه و برایا یه و سایر مسافرین بحره بنیاته اه تعالی ضرر و کزند ارشد برمیوب حفظ و حراستنده دقیقه فوت آمیوب غفلت ایله برجابه و یاخود ..... کفارخا کاردن و یاخود سایر قورسان و حرای و لوندا طایفه سندن ضرر ارشد برمکدن زیاده خذر ایدوب تمام بصیرت اوزره اولاسن فی ۵ شوال سنه ۹۶۶

بو اوج حکمک صورتلری داخی یازلوب قورد کتحدایه چاوش باشی ایله تسلیم اولنوب درپادن کوندرلشدو فی ۵ شوال سنه ۹۶۶

مصر قبودانی شجاع بکه حکم که

وثیقه (۵) ردوس بکنه یاننده اولان کیلر ایله قبودام پیاله دام اقباله یانه وارمق امر اولنوب ردوسک محافظه سی سکا فرمان اولنماغین بیوردومکه وصول بولدقده تأخیر آمیوب رده سه واروب مشاراليه ملاق اولانکه اول واروب مشاراليه قبودانه ملاق اولوب امر اوزره سن اول جوانبی کرکی کی حفظ و حراست ایلوب کفارخا کاردن و سایر قورسان و حرای و لوندا قایقلرندن قلاع و بقاعه و نواحی و قریه و سایر مسافرین بحاره ضرر و کزند ارشد برمیوب حفظ و حراستنده دقیقه فوت آمیه سن اما تأخیر آمیوب ردوسه واره سنکه سن وارنجه اول چقمیوب تأخیر ایدوب ..... اتمکدن خذر ایده سن و مصر بکلر بکنه ایصال ایچون سکا بر حکم شریف کوندرلشدر . انی داخی اولاشدورده سن فی ۱۵ شوال سنه ۹۶۶

وثیقه (۶) فرهاد پاشایه حکم که

بو نمکن اقدم ردوس سنجاییکی اولوب حالیا قوجه ایلی بیکی اولان علی نك

کندو قدرغہ و قالیۃ سیلہ و بش پارہ قدرغہ دخی احضار اولنوب جہا یدی پارہ  
 کمی ایله کوندرلہ سن امر ایدوب بیوردومکہ امر اولنان بش پارہ قادرغہ تک اگر  
 کوریکجیدر وسایر لوازم و مهماتی هزینه قصور و نقصانلرین قودرمیوب مشارالیهک  
 اورادن کتوردیکی بر قادرغہ و قالیۃ ایله کہ جله یدی پارہ اولوب مشارالیه ایله اسرم  
 اوزره ایلیه سن کہ واروب ملاق اولوب خدمتده بولندقدہ دکیزدن کلان قادرغہ بی  
 داخی بوکیجه کبر و اول جانبہ ارسال ایلیه سنکہ طربزون و قره کیزیا لیلرینی یوقلیوب اوکات  
 و جهله یالیلرده اولان قاضیلره و سایر ایل ارته کرکی کبی تنیه و تأکید ایلیه کہ یالیلری  
 و لیمانلری و کمی یناشق قابل اولان مواضی کیجه لرده و کندوز لرده کرکی کبی حفظ  
 و حراست ایلیوب اصلا یالیلرده و لیمانلرده کمی قسمندن ننه قوطور میوب بروجهله  
 حفظ ایده لر که غفت ایله کلوب اول جوانبده بر طرفه فرار اتمک احتمالی اولیه بو خصوص مهم در  
 تأخیر آتیوب یوکیجه ارسال ایلیه سن و قیودانه کوندرله جک کیلری دخی معجلاً  
 لوازم لیه احضار ایدوب انشاء اوج درت کونه دک ارسال ایلیه سن تأخیر اولئییه  
 و نوجهله تدارک اتدو کک بلدوره سن فی ۱۶ شوال سنه ۹۶۶

\* \*

و شیقه (۶) کوکللو رییلرته قیودان اولان دوه خواجه حکم که

حالیاً مکتوب کوندروب اعدایه متعلق بعض اخبار بلدرمش سک معلوم  
 اولدی حالیاً دریا محافظه سیچون قیودام پیاله ارسال اولنوب بیوردومکہ حکم  
 شریف واردوقده تأخیر آتیوب یانه واروب وجه و مناسب کوردوکی اوزره  
 انواع خدمتده بولداشلقدہ بولنه سن فی ۱۴ رمضان سنه ۹۶۶ آدمی حسن  
 ریسه و رلدی

\* \*

و شیقه (۷) ردوس بکنه حکم که

بوندن اقدم سکا حکم هایونم کوندرلوب یانکده اولان قادرغہ لر ایله قیودانم  
 یانه واروب ردوس جانلیرینک حفظ و حراست مصر قیودانه اصریله سن دیواسر  
 اولنمش ایدی ایله اوله مشارالیه سده سعادت مند نیجه پارہ قدرغہ لر ایله کوندرلوب  
 سنوک کبرو سجاغک محافظه سنده اولماک امر ایدوب بیوردومکہ وصول بولدقدہ  
 مشارالیه جانبته کتیبوب ردوسک و اول اطرافده حفظ و حراستی لازم یالیلر و  
 لیمانلر و دریا یوزیشک کرکی کبی حفظ و حراستده اولوب اعدادن ولونندو  
 قورسان طایفه سنن نواحی و قریایه و رعایایه و مسافرین بجره ضرر و کزندانر شددر -  
 مکدن زیاده خذرایده سن و مصر قیودانه داخی تنیه ایده سنکہ کندو سنکده  
 حفظ و حراستی لازم اولان برلری اوکات و جهله کوروب کوزدوب دقیقه فوت  
 آیمه و اعدا طرفلرندن و دونائمه هایونمندن واقف اولدو غک اخبار صحیه فی اعلامدن  
 خالی اولیه سن فی ۱۰ ذی القعدة سنه ۹۶۶

ادمی ار اوغلی عزالدین و رلدی

وشیقه (۸) اینه بختی سنجانی قاضیلرینه حکم که جزایر بکریکیسی مکتوب کوندوب مغرب طربلوس بکریکیسی طورغود دام اقباله نك ترکه باینده مضایقه سی اولوب ترکه ایچون اوچ پاره کی کوندردوکن و ذکر اولنان کیلره ترکه ویرله سن عرض آتمکین بولنان یردن الیوره سن دیو مشارالیه حکم شریف کوندردلشدر بیوردومکه امرم اوزره ذکر اولنان ..... بولنان نرخ روزی اوزره آنچه ایله ترکه وردوره سن اما ترکه خصوصنده اوامرا کما کان مقرر و بویهانه ایله دریاچه کفار خاکساره ترکه ورلکدن خدر ایدیه سن شویلیکه استماع اولنه عزل ایله قوتلیوب معاتب اولورسن وکیلر تام تحمیل اولدقدنصرکه حکم شریفی آلیقوبوب بمقدار ترکه وردوکن یازوب بلدوره سن فی ۲۲ ذی القعدة سنه ۹۶۶

\*\*

وشیقه (۹) قبودانه حکم که مکتوب کوندروب دل آلتوب کفار خاکسارک یمش پاره قادرغعلری ویکرمی پاره پارچه لری واردر بهم حال اغتوسک اون بشنده ویا آواخرنده طورغود پاشا اوزرینه وارملری مقرردر زیرا موسم کچدکدنصرکه دونغا هایون طورمازکندکرلنده وارهلوم دیوتدارک اوزره اولدقلرین خبر ورودوکن و عسکر قلت اوزره اولدوغین وموره سنجاغندن عسکر ورله سن واندن غیرى طونغا هایونم موسم زماننده عودت اولنور یوخسه کفارک دونغاسی پراکنده اولنجه تأخیر اولنورمی دیوبلدروب واندن غیرى ذخیره متعلق وعلوفه به مضرع هر نه بلدرمش ایسک معلوم شریفم بویاچه کفایت مقداری یرار سباهیلردن سکا قوشق ایچون افتخار الامراء الکرام موره سنجانی بکی عثمان دام غلوه به حکم شریف یازلوب سکا کوندردلی بیوردومکه وصول بولدقده بویاچه بصیرت اوزره اولوب کفار خاکسارک احوال واطوارلرین و فکر فسد وخیال کاسدلرین تنبع و تنجس ایدوب کوره سن نلر ایسه کفار بدکردارک حرکت بی برکنلری اولاکلک مناسب دکلدردن ذخیره قولاى اولان لیمانلرده توقف ایدیه سن شویلیکه کفار هزمت ائدارک طونانمّه خسارت وهزمتلری بمنایه تالی پراکنده اولوب طاعلنق وانلردن ضرره احتیال قالیه سندانخی موسده طونانمّه هایونله کله سن کورکیمی بی داخی خوش طوتوب زبون آیموب انوک کبی عسکره اختیاج اولورسه حکم شریفی کوندروب مشارالیه دن کفایت مقداری سپاهی آلوب استخدام ایلیه سن ودائماً واقف اولدوغک اخبار صحیحه بی سده سعادتیه اعلامدن خالی اولیه سن اعدای بدآیندن غفلت جایز دکلدردن تمام تقیظ واتباه اوزره اولوب بمنایه تالی دونغا هایونم و ممالک محروسدن برینه غفلت ایله ضرر اراشدرمکدن زیاده خذرایدوب حفظ وحراسته دقیقه فوت آیمه سن فی ۲۲ ذی القعدة سنه ۹۶۶

و شیخ (۱۰) جزایر بکلریکیسہ حکم کہ  
مکتوب کوندروب ماہ ذی القعدہ نک اون دردنجی کونی خلومچ [۱] نام  
محلہ وارلوب قدرۃ الامرالکرام قوجہ ایلی سنجاق یکی علی دام عزہ نک طقوز  
قطمہ کمی ایلہ محل مزبورده سکا ملاق اولدوغن و ماہ مزبورک یکرمی دردندہ  
صبیون [۲] نام موضہ واریلوب تجس ایچون ارسال اتدوکک یونس و علی  
نام ریسلر کلوب کفار خاکارک طونمہ ہزیمت آثارلی بوزیلوب مسینہ نام  
محلہ صولتلیرن طرفہ چقدقلزندہ طالیان کافری ایلہ اسپاہ کافرینک اولدن  
عداوتلی اولغین بربرینہ قلیچ قویوب محکم جنک اولوب آلتی بیک مقداری  
کافر قتل اولدوغن خبر وردوکلرن بیلدرمشک بیوردومکہ من بعد  
کفار خاکارک احوال و اطورین و فکر و فاسد و خیال کاسدلرن تبیع و تجس  
ایدوب تمام احوالہ و طونمہ لری بوزولدوغن معلوم ایدلوب داخی و قومی اوزرہ  
بلدروب اعدای دینک و کفرۃ لیتک خیلہ و خدعہ سندن اختراز ایدوب تمام بصیرت  
و اتباہ اوزرہ اولوب و غفلت ایلہ طونمہ ہایونہ و بالیلرہ واقس اولانلرہ ضرر  
و کزند ارشدرمکدن اجتاب ایلیہ سن فی ۱۹ ذی الحجہ سنہ ۹۶۶

و شیخ (۱۱) جزایر بکلریکیسی پیالہ پاشاہ حکم کہ  
حالاً موسم دریا مرور و ایام شننا عبورآتمک اوزرہ اولوب طونمہ ہایونک  
شدن سکرہ عودت ایدہ جنک زمانی اولوب بیوردومکہ وصول بولدقده اتوک کبی  
کفرۃ جفرہ نک طونمہ ہزیمت آتاری پراکنده اولوب یرو یورینہ توجہ نامتوجہ  
ایلیوب دریا بوزندہ ممالک محروسہ انلردن ضرر و کزندارشمک احتمالی برطرف  
اولمشہ موسم و وقتی ایہ طونمہ ہایونم عودت ایدوب سدۃ سعادتہ کلوب  
ملاق اولسن اما اعدانک خیل و خدعہ سندن غفلت جایز دکلدیر بوبابده بصیرت  
اوزرہ اولوب و احوال و اطوارلرن و فکر فاسد و خیال کاسدلرن و طونمہ .....  
پراکنده اولدوغن کبی ایہ معلوم ایدوب انلردن بر محلہ مضرت احتمالی برطرف  
اولوب غفلت ایلہ برجایہ ضرر و کزندارشدرمیوب تمام بصیرت و اتباہ اوزرہ  
اولسن سلخ ذی الحجہ سنہ ۹۶۶ \*

و شیخ (۱۲) جزایر بکلریکیسہ حکم کہ  
کیلرا ایچون زفت لازم اولغین بیوردومکہ سدۃ سعادتہ کللو اولدقده اولونیه دن کیلرہ  
و افر زفت تحمیل ایدوب کتورہ سن فی ۲۶ ذی القعدہ سنہ ۹۶۶ قورد کتخدایہ و ولدی

[۱] خلومچ یا خود غولومچ — بوکون (غلام موسی) دینکلہ بیلنور بربرون  
اولوب مورہ غرب شمال قییسندہ و تام زانظہ آداسنک قارشو یقہ سنندہ در.  
[۲] صبیون — بوکون سپانچہ دنیلن آدا اولوب مورہ نک اوج برونندن  
اک غربدہ کی برونندہ متون (مونوی) نک قارشوسندہ در.

وثیقہ (۱۳) قبروس بکلرینہ حکم کہ

حالیاً اسکندریہ قیودانی اولان قدوة الامراء الکرام شجاع زید قدره سده سعادتمه آدم کوندروب دریاده کزکن روزکار اولوب ویاخود بعض لازم ایچون قدیمدن سیزوک لیمانکره داخل اولنه کلوب حالیا کرمک لازمکلده امر واردرد دیومانع اولدوغکوز بلدردی امدی بیوردومکه طونماً هایونم اول جابلره واردوقده انوک کچی روزکار اولوب ویاخود بعض لازم ایچون لیمانه کرمک لازم کلده سده سعادتمه اولان عهدنامه موجبنجه اول وجهله مانع اولیه سفکه اول سبیدن دوتماً هایونمه ضرر کللو اولیه فی سلخ ذی الحجہ سنه ۹۶۶ مصطفی رثیه ورلدی .

\* \*

وثیقہ (۱۴) مصر قیودانی شجاعه بر حکم داخی یازله که

مخافظه ولایت ایچون دریایه چقدوغکده راست کلدوکک کفره کیلرندن اکروندیکلودر واکر ساقرلودر واکر دویره ونیکلودر ایچلرندہ حربی کافر بولنورایه التمسین امر یدوب بیور دومکه انوک کچی ونیدیک وساقز ودویره ونیک کیلرینہ دریاده راست کلده ایچلرینده اولان حربی کافری امرم موجبنجه الوب ورمکده عناد ایدنلری مانع اولانلری یازوب سده سعادتمه عرض ایلیه سین فی سلخ ذالحجه سنه ۹۶۶ بوده مصطفی رثیه ورلدی .

\* \*

وثیقہ (۱۵) مصر قیودانی شجاع بکه حکم که

حالیاً ونیدیک بابلوسی درگاه سعادتمه عرض حال کوندروب بوندن اقدم درت قطعه مغرب قالیه سی کرید آطه سنه واروب برکوی اوروب ایکیبوز مقداری اسیر الوب کیدر لریکن سکا راست کلوب الدقلری اسیرلردن سکا بکرمی نفر اسیر ورد کلرین اعلام ایلدی ایله ایسه بیوردومکه حکم شریفم واریمچ کرید اطه سنه کوی اوران قالیه نقوله قالیه در ریئلری کیمدر نه جابدن کلوب نه طرفه توجه اتمئلریدی وایچنده تمقدار کافر واریدی مفصل دفتر ایدوب وسکا ورد کلری یکرمی نفر اسیرلردن برتفرینک بیله سده سعادتمه کوندروب واقع اولان حالی عرض واعلام ایلیه سین واول اسرادن آخرده داخی بولنورسه الوب کوندره سین فی سلخ ذالحجه سنه ۹۶۶

عرض حال اوزره امر حسن حلمی خطی ایله یازلشدر . محفوظدر . متفرقه رثیسی مصطفی رثیه ورلدی .

\* \*

وثیقہ (۱۶) مورہ سنجاغی بکنه حکم که

حالیاً مکتوب کوندروب اسپایه لعین ایله فرانجه تک مایینلرندہ مصالحه اولوب



یتش قطعہ قدرغہ واللی قطعہ بارچہ لری بالفعل سینہ نام قلعہ لرنده حاضر اولوب  
 وطر ابوس اعرابی دخی کفار خا کارایله مشورتده بیله اولوب طربلوسه دوشملری  
 مقرردر دیو طرابلوس مغرب بکتر بکلیسی اولان طورغود دام اقباله سکا اعلام  
 ایلدو کین بیلدرمش سین بیوردومکه وصولی بولدقده سنداخی جمعیتک داغتیوب  
 دایما حاضر ومییا اولوب اول جوانیک اطوال واطوارین و کفار خا کارک فکر فاسد  
 وخیال کاسدرین دائمًا تتبع و نجس ایدوب معلومک اولان اخباری اعلامدن  
 خالی اولیوب غفلت ایله کفار خا کاردن یالیره وسایر اول جوانه ضرر وکزند  
 ارشدرمکدن اختیاط ایله سین . آدمی قرمانه ورنلدی فی ۲۱ صفر سنه ۹۶۷

وثیقه (۱۷) آق دیکزده واقع اولان کوکلو رییلره حکم که  
 حالیا بعض مهم مصالح ایچون احکام شریفه یازیلوب ذکر کنارلرنده اولان  
 بکتر قوللر مه امیرالمرأ الکرام طورغود دام اقباله یه ایصال ایچون ارسال اولمشدر  
 ذکر اولنان احکامک معجلًا واروب ارشمه سی مهاتنددر بیوردومکه مشارالیم  
 سنجاق بکتری قوللرومدن قنغیسی ذکر اولنان احکام شریفه یی قنغکزه راست  
 کلوب تسلیم ایدرنه بوجه استعجال مشارالیه ایصال ایده سز خصوص مزبور  
 زیاده مهمدر ذکر اولنان احکام هایونعی مشارالیه ایلدوب تسلیم ایلیوب تمک  
 ایله کلان رئیس هرکیم ایه عنایت خسروام ایله بهره مند اولتی مقرردر اکاکوره  
 سی و اقدام ظهوره کتوروب معجلًا اولاشدرمغه سی ایده سز

۶ ربیع الاول سنه ۹۶۷

وثیقه (۱۸) آق دیکز یالیرلرنده اولان بکتره وقاضیلره حکم که  
 حالیا بر مهم خصوص ایچون حصه رییلردن قدوة الرؤسا سعید رئیس زیده  
 قدره مغرب طرابلوس جانبته ارسال اولنوب بیوردومکه هر قنغکرتک تخت حکومته  
 داخل اولورسه اگر زاد زواده ایدر آنچه ایله الیوروب اگر ادم لازم اولدقده  
 ادم ورمکده کرکی کچی معاونت ایدوب عوق و تأخیردن خذر ایده سز  
 ۳۱ ربیع الاول سنه ۹۶۷ سعید رئیس ورنلدی

وثیقه (۱۹) آق دیکز یالیرلرنده واقع اولان بکتره وقاضیلره حکم که  
 مغرب طرابلوس بکتر بکیسی طورغود دام اقباله یه ایصال ایچون مهرلوکیه  
 ایله احکام شریفه ارسال اولنوب معجلًا اولنسی اهم مهماتدن اولنن بیوردومکه  
 وصول بولدقده هر بریکوز مقید اولوب کوکلو رییلردن هر قنغکرتک تخت  
 حکومتده بولنورسه که معتمد اولان تسلیم ایچون بوجه استعجال مشارالیه  
 اولاشدرسن خصوص مزبور محل اهتمامدر سایر اموره قیاس انیوب استعجال  
 اوزره اولاشدرمغه دقیقه فوت آتیه سن شوبلکه اعمالکز سببی ایله تأخیر اولنه

عذرکز مقبول اولز اکہ کورہ تدارک و ایصال ایده سز وقتی رئیس ایصال ایده اولاشدردوغنی سده سعادتمہ کتوره انواع عنایتلہ بہرہ مند قنور اکہ کورہ کوندردوکل ریہہ تنیہ و اعلام ایده سز

۶ ربیع الاول سنہ ۹۶۷ ہجری بالی چاوشہ ورلدی

وثیقہ (۲۰) مغرب طرابلس بکریکیسی طورغود پاشاہ حکم کہ  
 حالیا سده سعادتمہ مکتوب کوندروب کفار خاکسارک دونائے ہایونمز  
 مراجعت اتدکدن صکرہ کیرو سفائن خسارت قرانی جمعیت تدارکن ایدوب ولایت  
 مزبورہ قصدہ توجہ ناموجہ لری اولدوغن بلدرمش سن امدی ولایت طرابلس  
 سایر ممالک محروسہ کی اولوب ورعایا و بریاسن و خلقی داخی سایر ممالک محروسہ  
 خلقی کی در داہما نظر مرحمت اترم اول دیار جلیل الاعتبارہ ..... خالی  
 اولیوب ہر وجہلہ حفظ و حراستلری و اعدای دیندن انلرہ و ولایتہ ضرر  
 و کزند ارشدرمامک اہم مہماتدن اولفین اول خصوص ایچون مراکب کواکب  
 شاد تجہیز و احضار اولنوب ادوات دارکیر و عاکر دشمن کبروک  
 تأثیر ایلہ مشخون قنوب معجلاً ارسال اولنوب انشاہ الاعرن عن قریب ارشک  
 اوزرہ در..... داخی ہر وجہلہ یرار اولوب خدمت بایندہ و دولت ہایونمہ متعلق  
 اموردہ بیجہ دفعہ صداقت و لخلص ایلہ بذل مقدر و وسی مشکور ظہورہ کتورمش  
 قولوم سن انوک کی کفرہ لمین و جفرہ دوزخ مکین دونائے نصرت رہینمز واروب  
 اندہ ملاق اولدین ولایت مزبورہ اوزرینہ هجوم ایدرلرہ سکا کرکی کی معاونت  
 و مظاهرت ایتک ایچون اندہ اولان مشاخی عربانہ و ولایتک علما و صلحا و اعیانہ  
 احکام شریفہ کوندرلشدر بیوردومکہ وصول بولدقہ انوک کی کفار مذلت  
 آثار و ہزیمت انجامک حرکت بی برکتلری اول جانبہ مقرر اولورسہ سنداخ  
 جبلتکدہ مرکز اولان آثار دیانت و استقامتک مقتضاسنجہ بوبادہ حسن تدابیر  
 و تدارک ایلیوب اندہ اولان قبایل اعراب و مشاخی عربان و سایر اہالی ولایت ایلہ  
 حسن اتحاد و اتفاق اوزرہ یکدل و یکجہت اولوب احکام شریفہ اولاشدروب کرکی  
 کی استقامت و روبر واکر اول یالیلرہ واقم اولان محللری کیجہ لردہ و کوندوزلرہ  
 اوکتہ وجہلہ حفظ و حراست ایدوب تعمیر و ترمیمہ محتاج اولان قلاع دخی تعمیر  
 ایدوب یات و یراقلزندہ قصور قومیبوب بنیائتہ تعالی اعدای دین و کفرہ لیندن  
 مملکت و ولایتہ و قلاع و بقاعد و توأحی و قریاہ رعایاہ و بریایہ ضرر و کزند  
 ارشدرمیوب احسن وجہلہ مضرت افعال لرین دفع و رفع ایلیوب دین بایندہ  
 و دولت ہایونمہ متعلق اولان جہور اموردہ انواع مساعی جمیلہ ظہورہ کتوروب  
 یوز آققللری تحصیلہ سی و اقدام ایلیوب مجدومردانہ اولوب غفلت ایلہ العیاذبہ  
 تعالی عرض و ناموس سلطنتہ مفایر وضع صدورندن خذر ایلیوب محتاج عرض

اولائی بلدورہ سن ..... عنایت باری باری اولوب دایما اعدای دین و دولت  
منہزم و مقهور و اولیائی ملک و ملت مظفر و منصور اولفدن حالی و زایل اولیه  
۵ ربیع الاول سنہ ۹۶۷ قورد کتخدایہ و رلدی

یومکتوب ایلہ برابر طرابلس غرب شیخلرینہ ، علمانہ و قبایل شیخلرینہ  
بیاننامہ کوندلشدرد، عربجه اولان قویہ سنی یازمغه لزوم کوردلدی یالکراسلمری  
آلندی

طرابلس غرب مشایخه	طرابلس غرب علما و صلحانہ	طرابلس مشایخ عربانہ
شیخ الحماید	شیخ المکارجه	شیخ الجوارى شیخ ورقله
شیخ المرناہ	شیخ ملانہ شیخ تاجوره	شیخ مصراتہ شیخ طصنور
شیخ تاورغه	شیخ جربه	

مذکورلرک ہر برینہ منقل احکام شریفہ کوندلشدرد وینہ مذکورلردن  
ہر برینہ مزید عنایتدن خلعت ہایون کوندلشدرد .

وشیہ (۲۳) تونس حاکمہ حکم کہ

ولایت تونس سوائف ایام و سوابق اعوام دن الی ہذیلان دارالاسلام و مقر  
مجاہدین و حافظین دین حضرت سید الانام اولوب ابا واجداد مغفرت نہاد کوز  
طریقہ دیانت معتاد و جای شریعت ارشاد لری مقتضاسنجہ ایام سعادت امال لری  
فی سبیلہ تعالیٰ تمہید قواعد دین مبین و تشدید مبانی شرع کرین ایچون کفار  
بخار و دوزخ قزایلہ غزا و جہادہ بندل و صرف ایدوب سلاطین شرع آیین ایلہ  
موالات و مصافات اوزرہ اولفدن خالی و زایل اولیوب حسن اتحاد و اتفاق سببی  
ایلہ ہر زمانہ اولیای دین و دولت مظفر و منصور و اعدای ملک و ملت منہزم  
و مقهور اولیکلشدرد . سیرک داخی کمال دیانت و انصاف و حسن سریرت و ...  
ایلہ اتصافکن معلوم شریف اولشدرد . اما بارادۃ اللہ تعالیٰ کفرۃ جہنم مکین بر طریق  
ایلہ اول جوہہ مستولی اولق ایلہ اولان موافقت اتفاق اولوب عن صمیم القلب  
اولیوب بلکہ طریق اکراه و اجبار ایلہ ایدوکنہ اشتباہ یوقدر ایلہ اولہ بوندن  
اقدام حفظ و حراست ممالک اسلامیہ ایچون مراکب کواکب شمارتجهیز و احضار  
اولنوب امیر الامرا الکرام جزایر بکیر بکیسی قیودانمز پیالہ پاشا عا کر ظفر  
قراین ایلہ ارسال اولتمش ایدی کفار خاکسارک داخی مغرب طرابلس قصدینہ  
بعض سفاین خسارت قرائی اولدوغن استماع اتمکین اوزرلرینہ وارمق صد دندہ  
اولدوغن استماع اشدکلرندہ کفار ہزیمت آثارہ خوف و خشیت مستولی اولوب  
ہر بری برجانبہ پراکنده و تارمار اولوب و موسم دریادانخی مرور اتمکین مشارالہ  
قیودانمز دوانعۃ ہایونمز ایلہ عتبۃ علیامزہ مراجعت اشدکدہ مردۃ سفر کمین

کیرو جمعیت ایدوب ولایت مزبورده اوزرینه توجه ناموجه اندکری مسوع شریفم اولمقین عرق حیت قهرمانی متحرک وجنبان اولوب ذکر اولنان کفار خاکسارک اله کتوروب حقلرندن کلنمک ایچون تکرار بی حد و بی شمار تدارک واحضار اولنوب عا کر موحدین ایله مخلو والات حرب و قتال وادوات جنک وجدال ایله مشخون قلوب ارسال اولنوب انشاء الاعتر عن قریب واروب ارشک ارزرده در کر کدر که سزوک داخی جیلنکرده سرکوز اولان انار دین اسلام مقتضایه سلك مسالك ایاه کرام ..... اجداد عظامکرا اولوب انوک کبی دوناعه هایونمز واروب ملاق اولزدن مقدم ولایت طرابلیس جانبیه کفار بدکردارک حرکت بی برکتلی اولوب اهل اسلامه قصد مضرت ایدرلر ایسه انده اولان اهالی اسلام وولایت مزبورده بکلر بکیسی اولان امیرالامرا الکرام طورغود پاشا دام اقباله ایله مراقت اتحاد و موافقت و داد ایله کافه عباد اوزرنده ارباب کفر واصحاب بنی وفسادک شروشور و ضرر وفتور لرین مندفع ومهجور واعلام دین قدولند وسرافرازوشعار شرع بین متشد و مختار اولمق ایچون اول دیار جلیل الاعبارده اهل اسلامه و مشارالیه معاونت ومظاهرتده شولکه مقتضای آثار دین اسلام در ظهوره کتورمک بایسته انواع جدوا هتام وسی مالا کلام وجوده کتوره سن فی ۱۶ ربیع اول سنه ۹۶۷

\* \*

وثیقه (۲۲) جزایر بکلر بکیسی اولوب قیودان پیاله پاشایه حکم که حالیا جناب حق واول واهب مطلق علوعنایتنه توکل تام وحضرت رسالت بناهک مسوحمایت وممجزات کثیر البرکاته توسل مالا کلام ایدوب اشبو نوروز مبارکه کفار دوزخ قرار ایله غزافی سبیل اه ایچون دریایه دوناعه هایونم ارسال اولمغه تصم نیت اولنوب انشاء تعالی الاعتر ابنداسی مبارک ومیسون انهایس انواع فتح وظفر مقرون اولمش اولایه اوله بو بایده سنوکه سفره بکلر بکیلکه متعلق اولان امرا قوللروم اغریبوز وقاری ایلی ومدللو وروم ایلنده دلوسنه وولایت اناطولی دن قوجه ایلی سنجاقلی بکلری عموماً سنجاقلی عا کری ایله قره سی سنجاقی بکی داخی سنجاغنده اولان تذکره لو اولان سپاهیلی ایله وموره سنجاقی سپاهیلیتک تذکره سوزندن اکیوز الی نفر سپاهیلی تعیین اولنوب قره سی وقوجه ایلی بکلری سپاهیلی ایله بوغاز حصارده نوروزده حربیه حاضر اولمق امر اولنوب وسایر لری سن هر نه محله حاضر اولمق تعیین ایدرسک زمانی معیندور اول محله جله حاضر اولمق فرمان اولنوب اولبایده مشارالیه بکلر قوللروم احکام شریفه یازلوب ارسال ایچون سکا کوندرلوب وانا طولیده واقع اولان بکلره داخی حکم شریفم کوندرلوب تنیه اولنوب بیوردمکه وصول بولدقده سنداخ اصلا تأخیر ایتمیوب ذکر اولنان احکام شریفه بی یرار آدملرله هر برینه ارسال وایصال ایدوب هر بری نه محله کلوب سکا ملاق اولمق مناسب ایسه تعیین ایلیوب بلدروب اوکات وجهله تنیه وتأکید

ایلیہ سنکہ ہربری امر اوزرہ سنجاقلرینہ متعلق اولان الای یکی زعما وارتباب  
تیماری جہ وجوشلری وجہلری وسایر الات حرب و قتال و ادوات وجدالری  
ویالجلہ مکمل و مرتب دشمن یراغی ایلہ وزاد وزوادلری ایلہ حاضر ومہیا ایدوب  
داخی نوروزدہ سن تعیین اندوکک محلہ جملہ سی حاضر ودوناعہ ہایونعہ ناظر اولوب  
دوناعہ واردوقدہ اصلا برنہ یہ توقف لازم کلیوب جملہ کیدوب داخی وجہ ومناسب  
کوردوکک اوزرہ ہربری دین بایندہ ودولت ہایونعہ متعلق اولان امور دہ بذل  
مقدور ایدلر شویککہ اہمال و ماہلہ ایدوب بکلر قوللروم سنجاقلرینہ متعلق اولان  
عساکری قانون اوزرہ مرتب ومکمل تعیین اولنسال محلہ بیقصور کتورہ سن  
ویا خود کیچ کلہر ویاخوزد جہ وجوشلرنندہ وجہ لولرنندہ وزاد وزوادلرنندہ قصور  
ونقصان اولالر اصلا بر فردک عذری مقبول اولیوب معاتب اولقی مقرر بلوب اکہ  
کورہ مقید اولاسن وسنداخی سنجاعککہ متعلق اولان الای یکی وزعما وارتباب  
تیماری قانون نامہ ہایونم موجینجہ جہ وجوشلری وجہ لولری وسایر آلات  
جنک وجدال واسباب حرب و قتالری وزادوزوادلری ایلہ احضار ایدوب سنداخی  
حاضر ومہیا اولاسنکہ چقمق اسرم اولدقدہ اصلا توقف لازم کلیہ وبکلر قوللرومہ  
ارسال اولنان احکام شریفہ پی ہربرینہ نہ تاریخدہ واصل اولدوغنہ کوندردوکک  
آدلرہ تمک اندروب سدہ سعادتہ کوندرہ سک و آناطولی نیک ..... تیماری  
اولان سپاہیلری داخی دریا سفرینہ امر اولنوب جملہ سی مرتب ومکمل دشمن  
یراغیلہ اخراج ایدوب بوغاز حصار دہ نوروز مبارکدہ جملہ احضار ایلیہ سن دیو  
اناطولی بکلر بیکنہ حکم شریفم یازلشدر سنداخی اکا کورہ مقید اولاسن  
فی سلح ربیع الاخر سنہ ۹۶۷

\*\*

وشیہ (۲۳) نشان ہایون اولدرکہ

شیمدیکی حالہ حضرت فتاح علم و ختاب و ہاب کریمک جل احسانہ علو عنایت  
بی غایتہ وسو عاطفت بی نہایتہ توکل و اعتماد ومفخرانیا و رہبر اصفا حضرت  
رسالت پناہ علیہ افضل الصلوٰۃ والسلامک معجزات کثیرۃ البرکاتہ توسل و اعتقاد  
قلنوب زمرۃ اعدای دین مبین وفرقہ معاندین مشرکینی حزلمہ اللہ تعالیٰ الی یوم الدین  
حالیا بعض سفاین خسارت قرابن تدارک واحضار ایدوب مغرب طرابلوسی اوزرینہ  
توجہ ناموجہ ایدوب اندہ اولان اہالی اسلامہ قصد کزند اندکلیری سدہ سعادتہ  
عرض اولنمقین معجلاً ارشوب ذکر اولنان کفاردوزخ مدارک اولدیارجلیل الاعتبار  
اوزرندن دفع فساد و شناعلری و اطراف ممالک خسروانکک حفظ و حراستی و دریا  
یوزلرینک ضبط و صیانتی اہم مہمات وجملہ واجباتدن اولنمقین امیرالامراء الکرام  
ظہیر الکبراء الفخام الی آخرہ قبودانم پیالہ دام اقبالہ نک افکار ثاقب و ارای صابنہ  
اعتماد و ہر وجہلہ جلادت و شہامت و وفور فراست و حسن کیاست جد و اہتمامنہ

اعتقاد هایونم اولدوغی اجلدن بودغه جلیل القدر خسروانله خصوص مزبور ایچون  
تجهیز و تکمیل اولنوب تعیین اولنان .... قطعه سفاتن نصرت قراین ایله ارسال  
اولنان عا کر فوز مأثره باش و بوغ تعیین ایلوب الله بو نشان هایون بهجت  
آیات و سعادت نمونی ویردم و بیوردومکه ذکر اولنان دونائمه هایون ظفر مقرون  
ویله قوشلان عا کر نصرت رهین ایله توجه و عزیمت اندوکی مواضع و مالکده  
کال بصیرت و انتباه اوزره اولوب اگر مغرب طربلوس خصوصی و اگر سایر  
ممالک محروسه مضافاتندن دریا جانلرینده واقع اولان قلاخ و بقاع و یایلرده محافظه  
لازم اولان یرلری حفظ و حراست ایلوب و دریا یوزنده غارت ایچون یورپان کیلری  
اله کتوروب حقلرندن کلوب هر خصوصده محل اقتضاسه کوره حفظ و حراست  
و ضبط و ضیانت ایلوب کفار خاکسار مذلت ائارک کیلرندن و حرامی لوند  
پرا کنده لرندن مسافرن بجره ضرر و کزند ارشدرمیوب مصالح ال وردوکی اوزره  
عدوی خاکسارک ممالک محروسه قصدینه کلان کیلرینک و حرامیلرینک حقدن کلوب  
انواع وجود ایله یولداشلقلرده و مردهانه لکلرده بولنوب یوز آقلقلری تحصیل ایلوب  
انشالله تعالی حق جل جلالک علو عنایت بی نهایتلری مقارنتی ایله عدوی خاکسار  
کیلرندن طربلوس جانلرینه و اندن ماعدا اهل اسلام خیر انجام دن عبور و مرور  
ایدن تجار زواردن و مسافرن بجره مضرت ارشدرمیوب کروه مکروه شیاطین  
شکومه ذل و نکبت و برمکدن خالی اولیوب اصحاب کفر و نیرانک دونائمه مزیمت  
ائارندن غفلت آیموب توجه و عزیمتلرن و سائر احوال و اطوارین و بالفعل نه عملده  
اولوب نه تدارک اوزره اولدقلرن تبع و تجسدن خالی اولیوب جمیع امورلرن  
و فکر فاسدلرن بلوب معلوم ایدنوب اکه کوره ایجاب اندوکی اوزره حسن  
تدبیر ایلوب هر نه یوزدن ممکن ایسه دفع فاسدلرینه شروع ایلوب اقدام و اهتمام ده  
دقیقه فوت آیموب مجد و مردهانه اولوب العیاذ بالله تعالی غفلت ایله دونائمه هایوننه  
وسایر عکر اسلام ظفر فرجامه ضرر ارشدرمکدن احتیاط و اجتناب ایلوب  
کال بصیرت و انتباه اوزره اولوب یوز ائقلقلری تحصیل اولنسی باینده انواع مساعی  
جمله ..... و اهتمامات جزیه ظهوره کتوره که کافه اهل اسلام ایام هایون  
عدالت انجامده اسوده حال اولوب کفار نکبت شمار مخذول و بیاعمال اولقدن  
خالی اولیه طونائمه هایوننه متعلق اولان جمهور امور مشار الیک رای اصابت  
قرننه تفویض اولنمشدر دین و دولت هایوننه لایق واولی و سزاوار اجرا اولان  
نه ایسه انکله عمل ایلیوب عرض و ناموس سلطنته مغایر اوضاع صدورندن من جمیع  
الوجوه حذر ایلیوب موی ایله ایله بله اناطولیدن وروم ایلیدن قوشلان بکر قوللرم  
ویکیچیری قوللرومک سرداری ویکیچیری قوللروم و سایر تعیین اولنان زعماسیاه  
ورئیس لر و مرکب کواکب شهارک خدمه سائرهمی بالجله ذکر اولنان دونائمه

ہایونعدہ اولان عسا کر ظفر شعارک وضیی ورفیی وصفیری وکیری مشار الیبی کندولرہ سردار بلوب تمظیم واکرام و توقیر احترامدہ دقیقہ فوت اعمیوب کمال انقیاد اوزرہ اولوب دین باینده و دولت ابدیونده متعلق اولان مهمات مصالحده یکدل ویکحرکت اولوب وجہ و مناسب کوردوکی اوزرہ خدمتده و یولداشلقدہ قدر تترین صرف و مقدورترین بذل ایدوب اہمال و ماساہلہ اعمیوب امرندن و سوزندن تجاوز قلیوب مخالفت و معاندتدن احتراز ایلیہلر ہر کیمک کہ فساد و شناعتی ظاہر اولوب مخالفت و معاندتدہ اولہ مجال و رمیوب حقتدن کلہ کہ سائرلرینہ موجب عبرت و نصیحت واقع اولاموسی الیہک شاک و شکایتی عتبہ علیامدہ مشرومؤثر در ا کہ کورہ ہربری خدمتارندہ سردانہ اولوب سعی موفور ظہورہ کتورہلر ہر کیمک کہ خدمتی و یولداشلتی ظہورہ کلہ انشاء تعالی علو عنایت خسرو ائمہ بہرہ مند و محصل المرام اولہلرین مقرر بلہلر ا کہ کورہ خدمتارندہ دقیقہ فوت ائمہلر و دریا جابیلرینہ و کفار خاکسار سستلرینہ ترکہ و رملک ممنوع در خلاف امر ترکہ بوکلدوب کیدنلری داخی اسکہلردہ و دریاہدہ تتبع ایدوب امر شریفہ مخالف ترکہ ایلہ بولدوغی کیلری ا کردوبورہ و نیکلونک ا کر فرانچہ نکا کروندکلونک و سایر ہر کیمک اولورسہ طوتوب گرفت ایلیوب ریٹلری سیاست ایدوب سایر خدمہ سن طوتوب کورہ کہ قوشوب کیلری ترکہ سیلہ عتبہ علیامہ کوندرہ بوخصوص دخی محل اہتمام در امر شریفک اجر استندہ دقیقہ فوت ائمہ و وصولتی ایچون بر موضہ و اسکیلہ یا شوب طشرہ آدم چقلو اولدقدہ چیقان کتہلری اوکات اوزرہ ضبط ایدوب رعایاہ ظلم و تعدی ایدرمیوب کتہ نک جبر ایلہ نسلرین الدرمیوب کمال عدالت ایلیہ شویلیکہ بو یابدہ شکایت اولنورسہ عتبہ علیامدہ استماع اولنور بوخصوص قاضیلرہ دہ تنبیہ اولنمشدر کہ انوک کبی تعدی اولورسہ عرض ایدہلر شویلیکہ کتہ تیہ تعدی اولدوغی استماع اولنہ و یا خود قاضیلر عرض ایدہ نتیجہ سی اکا عائد اولور ا کہ کورہ مقید اولوب عکری ضبط اتمک باینده دقیقہ فوت ائمہ انشاء الاعز دایما اہل اسلام فوز انجام فلاح فرجامہ میسر و مقدر واعدای دین و دولت منہزم و معاندین ملک و ملت مقہور و اولیای عز و شوکت مظفر و مجاہدین دین سید المرسلین مظفر اولقندن خالی اولیہ اولبایدہ ہیچ احد کانیامن کان مانع اولیہ فی ۱۶ رجب سنہ ۹۶۷

وشیہ ( ۲۴ ) فرانچہ پادشاہنہ نامہ شریف یازلہ کہ

حالیا استانہ عدالت پناہ و دودمان نصفت دستکامز کہ ملاذ اکاسرہ جهان و ملجأ قیصرہ دور اندر قدوۃ الامراء المسیحیہ سنبور دولو نام الییکز واسطہ سیلہ نامہ صداقت مصحوبکز وارد اولوب قدیمدن عتبہ علناً سعادت مدار وسدہ سنہ کردون اقتدار من ایلہ مصافات اوزرہ اولان بابا کوز مملکت و ولایتکوزک اصلاحی رعایا و برایا کوزک استراحتلری ایچون ہر زمان . . . . . ، عدوکوز ایلہ

امن وامان اوزره اولتی فکرنده ایکن تدبیر تقدیره موافق اولیوب اراده حی لایموت ایله فوت اولوب وسیز داخی پریشان خاطر اولوب شمیدیکین سده سعادته ایلی کوندرمانکه باعث اولدوغن ودرگاه معلا وبارگاه اعلامن ایله اتا کوز کی صداقت واخلاص وودستلق اوزره اولتی اقصای مرادیکوز ایدوکن وپوبایده نامه هایونمز ارسال اولتمهسن واندن غیری نامه کوزده هر نه درج و تخریر اولنوب ومشارالیه ادمکوز هر نه تقریر ایتمش ایله پایه سریر عالم مصیر خسروانه عرض وتفسیر اولنوب علم شریف عالم شمول خسروانم محیط وشامل اولمشدر امدی خاندان مغلد الاقبال وودمان مشیدالارکائز ایله دوستلق ایدن ذواتین مصادقت اینک ..... واستدعالری معرض قبوله واقع اولتی عادت قدعه سلاطین عدالت آیین اولوب بونامه اخلاص مشونمز ارسال اولنوب کرکدرکه وصول بولدقده سیز داخی مادامکه بوجه وعظمتلو استعززه سله اتحاد واتفاقکر مستحکم اولوب دوستلق شرایطی رعایتده گمانینی ثابت قدم اولاسز جناب .... نمز طرفدن داخی مرعی طورتلوب خلافته جواز کوسترلز .

فی ۲۹ شعبان سنه ۹۶۷

وثیقہ ( ۲۵ ) جزایر غرب بکیر بکیسی حسن پاشایه حکم که

بوندن اقدم سده سعادته مکتوب کوندروب میری ایچون کوندریلاجک اسیرلر اولدوغن و آلتی ایچون کی ارسال اولتمهسن عرض ایتمش اینک حالیا داریایه دونامه هایونم ارسال اولنوب اولخصوص ایچون اون پله قادرغه کوندرهسن دیو امیرالامرا الکرام قبودانم پیاله دام اقبالیه حکم شریف کوندرمشدر بیوردومکه حصه ریشلرندن قدوة الامائل والاقران حاجی مقصود واردوقده ذکر اولنان اسیرلری کیلره قیوب عتبه علیامه کوندرهسن ونقدار اسیر کوندردو کک دفتر ایدوب مهرلیوب پله کوندرهسن فی ۸ رجب سنه ۹۶۷ مقصود کتخدایه اولاشدرمق ایچون آناتولی چاوشلرندن .... محمد چاوشه ویرلدی .

وثیقہ ( ۲۶ ) قبودان پیاله پاشایه حکم که

مکتوب کوندروب بوندن اقدم دونامه هایون ایله ماه شعبانک غره سنده متونه داخل اولنوب فرمان عالیشانم موجبجه عساکر نصرت مآثر قادرغه لره توزیع اولنوب ماه مزبورک بشتجی کونی انکیته صاننوب اون ایکنجی کونی مالتیه وارلوب اله کلان دلر دن کفارک دخی جربه اوزرنده ایدوکی خبری آلتوب بی توقف یوم مزبورده جربه اوزرینه عزیمت اولنوب ماه مزبورک اون بشتجی کیجه سی که شب براندر جربه حصارینه قریب اوج میل مقداری یرده دمور براغلوب مشاوره اولندقده علی السحر دشمنک اوزرینه وارلتی مناسب کوریلوب اول حینده کفار دخی خبردار اولوب قادرغه لری وبارجه لری ایله چقوب دونامه هایونی



تجسس ایدوب ناکاہ راست کلنوب عا کر اسلام جنک وجدالہ مباشرت ایلجک کفارک دخی بعضی مجازبہ اقدام ایدوب و بعضی فرار ایدوب اوج کون اوج کیجہ زوی دریادہ جنک واشوب اولوب دردنجی کونی قدرغہلر بریدہ جمع اولوب عنایت حق ایله سفاین نصرت قرایتک بریتہ ضرر و کزتہ ادرشیوب کفار بدکر دارک یکریمی قادرغہ سی آلتوب ایچلرندن بری احراق بالنار اولنوب و بارچہ لرینک دخی بعضی یاتوب و یجہ سی حین جنکدہ غرق اولوب و برمقداری النوب جملہ یکریمی آلتی بارہ پارچہ لری غارت اولنوب و اون برقطمہ قادرغہ لری دخی قاچوب حصار البته کیروب امنیہ درکہ انلرک داخی فتحی میسر اولا و برمقدار داخی قاچوب خلاص بولمدر و ماہ مزبورک یکرمنجی کونی طورغود پاشا کندو قادرغہ لریلہ دونانمہ هایونہ ملاقی اولوب و حصارده اولان کفاو شقاوت شفارک اہدما تہ شروع اولنوب طوبلر و مترسلر قوزلوب دوکملک اوزرہ اولنوب لکن حصار مزبورک اطرافی طایبہ لر ایله زیادہ مستحکم اولوب فتحی غایتہ صعب و مشکل اولوب زمانہ لازم اولدوغنی بلدرمش سن امدی سنوک جلتکدہ مرکوز و مرموز اولان کمال شجاعت و فرط کفایت رأی زرین و فکر متینکدن داخی اومولان بونک امثالی خصال حمیدہ و افعال پسندیدہ ایدی بنایہ اللہ تعالی وجودہ کتورلش بونک کبی کلی خدمتہ و یولداشلقدہ بولمش سن بوزک آغ اولسون بیوردومکہ الدن بعض ..... و خلعت هایونی کیوب بعدالیوم رأی اصابت قرینک مقتضاسنجہ ذکر اولنان مکتوبینک داخی فتح و تسخیری بایندہ حین تدارک ایلوب اندہ اولان بکلر ایله اولان مزید عاطفت هایون ظہورہ کلوب و برمقدار قلیج ارسال اولنوب اگر مشار ایله طورغود دام اقبالہ ددر و اگر سایر بکلر قوللم ایله یکدل و یکجهت اولوب کمال اتحاد و اتفاق ایله نتیجہ ترتیبی و مقدماتہ شروع ایدوب محل اقتضا ائدوکنہ کورہ سی و اقدام و اتسام مالاکلام ایدوب ذکر اولنان قلہ یی فتح ایدوب ایچندہ اولان عبیدہ اصنام و عندہ اهل اسلامک کرکی کبی حقلرندن کلوب اول جوانجی انلرک شر و شور لرندن خلاص ایدوب دین بایندہ و دولت ابد پیوندہ متعلق اولان جهور امورده نصل وجہ و مناسب اولدوغنی اوزرہ مجد و مردانہ اولوب دقیقہ فوت آئیہ سن و اعدادن داخی غفلت اوزرہ اولیوب دایما احوال و اطولرین و فکر فاسد و خیال کاسدلرین تمام معلوم ایدوب داخی اکا کورہ تدارکلیہ سن کوروب غفلت ایله العیاذ باللہ تعالی اگر دونانمہ هایونہ و اگر عسکر اسلام فوز اتسامہ ضرر و کزند ارشدرمکدن زیادہ خذر ایدوب محتاج عرض اولانی یازوب بلدورہ سن

۲۹ رمضان سنہ ۹۶۷

و شیخ (۲۶) اغربوز قاضیہ حکم کہ حالیا مکتوب کوندروب ۹۶۷ دە چقان طونمہ هایون عقبنجہ الی قطعہ قادرغہ داخی چققی اوزرہ اولدوغنی کفار

خاکسار ولایتنده شایع اولغین وقوعن وعدم وقوعن وغیرمیلرین نه جاتبه اولدوغین معلوم ایدمک ایچون بولیه یقاسنده تاراتنه نام قلعه قبودانی یکریمی بش نفر دارالحرب کافرله برفرقته دوناتوب ذالمغه کوندردکده قزلحصار ناحیه سنده فرقته ایله ویایه قو نام دخی قلاغوز لریله گرفت اولنوب رئیسلی سده سعادتیه کوندردوکنی و سایر کفره اغریبوز قلعه سنده حبس اولدوغن بلدرمش سن امدی بیوردومکه وصول بولمقدده آندم حبس اولنان کافر لری محکم بازو بند اوروب کرکی کپی حفظ و حبسندن اطلاق اتمیوب طونمه هایون کلدکنده قبودانه تسلیم ایلیه سن و تقصدار کافر تسلیم اتموکن یازوب بله عرض ایده سن ۱۹ ذی الحجته سنه ۹۶۷

و شیقله (۲۷) پیاله پاشایه حکم که

مکتوب کوندروب کفار خاکسارک قرن بش پاره قادرغاسی اولوب یکریمی اوج پاره سنی مرتب دوناتوب بالفعل دریاده کرمک اوزره باقینسک کورکیلیری اولدوغی اجلدن شویله قلوب احتمالدرکه دونانمه هایون ایچرو کردوکی زمانده ذکر اولنان قدرغعلری دونانقی ایچون بعضی برله ضرر و کزنند ارشدوره لر یونقدیرده ردوس و مصر قادرغعلرندن یکریمی بش پاره قادرغه طوناتوب بالفعل دریانک کچدوکی زمانه دکن محافظه اولنماسی مناسب کوریلورسه قوجه ایلی ویایه مدلولو وردوس سنجاقلری بکلرندن بریسی باغی و بوغ تعین اولنوب و کافر کورکیلیری وفا اتمیوب مسلمان کورکچی لازم در انلرک دخی علوقه لرین ورلک خصوصی ایچون امر شریف وزله سن عرض ایلمش سن امدی دریانک موسی کچوب اعدادن ضرر احتمالی برطرف اولنجه حفظی لازم اولان محللر حفظ اولنماق مهماتدن اولغین بیوردومکه وجه و مناسب کوردوکلک اوزره کفایت مقداری مرتب و مکمل قدرغعلر ایقونوب کرکی کپی تنبیه و تأکید ایلیه سن کنذا اگر دریاده و اگر یالیلرده و لیمانلرده حفظ و حراستی لازم اولان محللری کرکی کپی کوروب کوزدوب غفلت ایله کفار خاکسار هزیمت ائاردن ولوندو قورساندن یالیلره و ققلاخ و بقاعه و نواحی و قریایه و رعایایه و برابریه بنایه اه تعالی ضرر و کزنند ارشدرمکدن خذر ایلوب اعدادن ضرر احتمالی برطرف اولنجه دریاده کزوب صون و سیانت و حفظ و حراسته مجدد و مردانه اولوب دقیقه فوت اتمیه سن ۲۶ ذی الحجته سنه ۹۶۷

و شیقله (۲۸) فرایچه پادشاهنه نامه شریف یازله که

حالیا آستانه دولت آشیانمز که ملاذ قیاصره زمان و ملجاً اکا سره دوراندر مکتوب مودت مصحوبکنز وارد اولوب بوجه و عظمتلو آستانمز ایله اولان بابا کوز کپی دوستلق اوزده اولدوغکنز و حالیا بنایه اتمتالی قوه قاهره خسروانمز ایله النان کفار خاکسار کیلرندن و قنح اولنان جریه قلعه سنندن آلتان رعایا کوز استخلاصی خصوصی اشعار اولنوب پایه سریر عالم مصیر خسروانه عرض

اولنوب علم شریف عالم آرا محیط وشامل اولشد . ایدی استان مشید البنیان  
 ودودمان غلہ الارکانز ایله مادامکہ دوستلقده ثابت قدم اولاسزعتبہ علیامتلتز  
 طرفندن داخی دوستلق صرعی طوتلوب خلافتہ جواز کوسترتلز اما اسیر خصوصی  
 اتوک کبی دکل در سده سعادت مدار صر ایله موالات اوزره اولانلرک امن وامان  
 اوزره یوریا نلرندن برطرریقہ عہدہ مفایر آلتوب مالک محروسزده اسیرلر اوله  
 رعایت عہد ایچون اطلاق اولتی قاعدہ دودمان عدالت بنیاعتدرر امانتہ والامقاعمز  
 ایله دوستلق اوزره اولوب داخی اعداض ایله یکدل اولوب بموقوله اهل اسلام  
 فوز انجام ایله عیارہ ومقاتلہ ادوب جنکده کرتار اولنلر اطلاق اولتی عادت  
 خاندان شریعت آیینز دکل در کرکدرکہ بویابده .... لوازم الفت ودوستلقدر  
 داغما صرعی طوتلوب درکاه فلک مدارمزندن اخبار سازه سلامکز ایله اول  
 جواتک احوالک اعلامدن خلیل وزایل اولیه سزکہ ورودی بادی تمہید احلاص  
 ومورت تشید اختصاصدر حسن چلی پہ ورلدی فی ۱۵ صفر سنہ ۹۶۸

وشقہ (۲۹) قوجہ ابلی بکی علی بگہ حکم کہ

حالی امیرالاصرا الکرام جزایر بکلر بکیسی قیودام پیسالہ دام اقبالہ سده  
 سعادتہ مکتوب کوندروب کفار خاکسارک فرق بش پاره قادرغزلی اولوب  
 یکریمی بش پاره سنی مکمل طونانوب باقیسی یورغون اولوب دونامہ هایون ایجرویه  
 کلده کیلرین طونانقی ایچون مالک محروسہ ضرر قصدین آتک احتمالی اولدوغن  
 ودریا موسی کچوب اعدادن ضرر احتمالی برطرف اولنجه یکریمی بش پاره کمی  
 ایقونلوب حفظ اولتی لازم ایوکون وسنوک داخی علم دریاده ماهر والیقونیلان  
 کیلرہ اولان عا کرظفر مقرونہ سردار اولوب اول خدمتہ قادر اولدوغنک عرض  
 آتکلہ عرض آتدولک اوزره یکریمی بش پاره مرتب ومکمل کمی وجنکچی وکوریچی  
 وایچ یوز مقداری یکچیری ایقونیلوب سردار تعیین آتک ایچون مشارالیہ حکم  
 شریف کوندردلشدریوردوم کہ وصول بولدقده اسرم اوزره مشارالیہ سنی تعیین  
 ایدوب کیلری تسلیم آتدکده تمام بصیرت اوزره اولوب ودریا موسی سرور  
 ایدوب اعدادن مملکت وولایت ورعایا و برایاہ ضرر وکزند احتمالی برطرف اولنجه  
 دکین حفظ وحرست لازم اولان مواضی ویا لیلری وسنجاقلری کرکی کبی حفظ  
 وحرست ایدوب بنیایہ اه تمالی کفار خاکساردن وسائر لوند قورساندن مسافرن  
 بجره وقلاع وبقاعہ ونواحی وقرایہ ورعایا و برایاہ ضرر وکزند ارشددرمیوب  
 صون میاتندہ مجددوردانہ اولوب غفلت ایله اعدادن مالک محروسہ مدن برینہ  
 ورعایاہ ضرر وزیان ارشدرمکدن حذر ایدوب تمام بصیرت واتنباه اوزره اولوب  
 محتاج عرض اولانی عرض ایدوب وبیله قوشلان عکرنصرت انجامی داخی کرکی کبی  
 ضبط وربط ایدوب ایلر داخی سکا مخالفتدن حذر ایده لر . پاشا حضر تلتزینہ  
 کوندردلدی فی ۲۷ ذی الحجہ سنہ ۹۶۸